

Alla fin dallas tractandas statutaricas ha il CEO dalla Arena Alva, Reto Gurtner, analisau il turissem en general.

FOTO A. BEEI

Motivai – malgrad digren

La grupp Arena Alva SA ha presentau in onn da gestiun difficil

■ (anr/abc) **Ier ha la grupp Arena Alva SA envidau ils acziunaris alla radunanza generala. 508 persunas ein vegni. Malgrad – ni forsa get per quei – ch'igl ei stau in onn difficil eis ei stau in diember da record. Il CEO Reto Gurtner ha legiu las levitas alla biroccrazia.** «Nus steuin trer vid il medem sughet, autruisa vegn nuot a gidar da formar nosa regiun sco pli custeivla destinaziun», ha il CEO finiu sù discurs. Alla fin dallas tractandas statutaricas ha Reto Gurtner plidau bunamein in'ura. Ella halla dil Riders Palace a Laax-Murschegg ha el valetau la situaziun difficila, numnuu ils motivos daco ch'il turissem svizzer va dapi zacs onns peziup ed empruau da descriver visiuns pil futur. Sco tuttas pendicularas ed interesas turisticas ha era la grupp Arena Alva SA giu da dumingier in onn magher. Adrian Wolf, dapi 1996 schef da finanzas e directur administrativ, ha explicau las cefras. En quels 20 onns seigi ei il mender resultat, ha el getg viers ils 508 presents. La preschientscha alla radunanza ei stada remarcabla, pergei 75 perschien dil capital d'acziis ei staus representaus. «Sche nus lessen decider da sliagar la societad savessen nus far quei oz», ha Gurtner manegiau surriend.

**Investau 286 milliuns
ils davos 10 onns**

Evidentamein vul negin quei. Il cuntrari ei il cass, malgrad ch'il delegau dil cussegel d'administraziun ha declarau che l'aria vegni pli e pli satella. Gurtner ei perschadius dil remiedi pli impurtont: las investiziuns. Ils davos 10 onns ha la grupp Arena Alva investau buca meins che 286 milliuns francs, da quei 100 mil-

liuns francs el resort da vacanzas RocksResort. «Nus cartein ella destinaziun, e nus essan motivai», ha il CEO declarau. Cun el ed ils acziunaris creian era ils varga melli emploiai che partan 490 piazzas cumpleinas. La grupp Arena Alva secumpona da tschun societads, quei ein la Arena Alva Leisure SA, la Arena Alva Pendicularas SA, la Arena Alva Gastro SA, la Mountain Vision SA e la Mountain Adventures SA. Igl onn da gestiun 2015/16 han las pendicularas investau 25 milliuns francs en stabiliments novs, renovaziuns e restructuraziuns. La teleferica Sogn Martin-La Siala ei stada l'investiziun principala da quei onn.

Ischgl agl Arlberg ed autras destinaziuns austriacas registreschan parallel culla digren dil turissem svizzer ina carschen da 53 perschien turists svizzers. Ei fa buca surstar Gurtner che las destinaziuns svizzas piardan continuadamein hospis. Ils Svizzers sezs van egl exteriur en vacanzas ed era cun skis. «Per quei ch'il franc svizzer ei vegnius massiv pli cars», Gurtner ha tschintschau d'ina cefra da 36 perschien. «La Svizra ei memia cara», ha el repetiu. Buca gliez factur persul spuenta ils turists da stad e d'uniern ord las destinaziuns. Il CEO dall'Arena Alva ha plidau clar. «Nus tgirein cun acribia la cultura dil spuentar», ha el manegiau e menziunau ch'ei maunchi vid la curteiseivladad, il vuler anflar amigs ed il schar sesentier bein quels. Ellas destinaziuns dil turissem svizzer vegni baghegiu si in sistem dalla disfidanza e da controlla. Igl ei buca l'emprema gada che Gurtner ha appellau als politichers da cumbatter la biroccrazia che s'augmenti pli e pli. El turissem sesproviens ins da carmalar neutier

ils hospis, e cu quels seigien cheu spuentien ins els cun schicanas administrativas e malcurtesevladad.

Diversificaziun ha alzau il quen

La strategia a lunga vosta seigi da sbassar ils prezis e da far in beivnegni pli curteiseiv als hospis. Il manco da quels ei denno mo parzialmein la culpa ch'il quen 2015/16 ei schi miserabels. Las schliatas relaziuns da neiv dus unvierns in suenter l'auter han mess en embrugl era autras destinaziuns. Laax ha piars igl onn vargu 8,4 perschien, Tavau-Claustra 12,4, Arosa 13,4 e Lai/Lenzerheide 4,3 perschien sviulta. A Laax han las entradas secundaras gidau la societad dall'Arena Alva. La diversificaziun ha alzau empau il quen mediocher. Aschia ha la vendita dallas habitaziuns dil RocksResort a Murschegg purtau entradas da 12 milliuns francs. Alla fin digl onn da gestiun 2015/16 fuvan 133 dallas 144 habitaziuns vendidas. Era las frequenzas digl onn vargu al Lag la Cauma ein stadas fetg bunas.

Per dar damogn a tuttas frequenzas vul quei era gir ch'ins stoppi investar el persunal. Lezza cefra ei era s'augmentada. Ils cuosts da persunal ein sesalzi igl onn da gestiun 2015/16 per 2,4 milliuns francs. Ch'ei vegni spargnuo el futur en gliez sectur ha Gurtner buca menziunau. La grupp ha contonschiu igl onn da gestiun 2015/16 in cash flow da 17,5 milliuns francs, quei ein 3,7 milliuns dainfrancs ch'igl onn precedent. La sperdita da 755 238 francs igl onn da gestiun 2015/16 han ins priu vi sil quen niev aschia che la bilanza muossa tuttaina in gudogn da 19442953 francs.

Ina «Charta» per la scola

Ils 30 da settember inaugurescha la scola Ilanz/Glion siu maletg empalont

■ (anr/abc) **«Tenuta», «valurs» e «perspectivas» ein ils cavazzins impurtonts dil document. La scola dalla vischnaunca Ilanz/Glion ha sviluppu in muossavia persuerter. Cun ina pinta festividat vegn la Charta inaugurada.** La scola dalla vischnaunca Ilanz/Glion consista da tschun loghens da scola, numnadamein Duin, Glion, Rucun, Ruschein e Sevegin-Castrisch. En quels frequentan 514 affons la scoletta, la scola primara ed il scalem superiur. In pluit diember che prenda in'organisasiun rigurusa. In maletg empalont, al qual ils involvai, naven dil affons sur il cussegel da scola, persunal d'instrucziun tochen tiels geniturs san sereferir e che vala per tuts, ei in mied che survescha al scop. «El decuors dil davos onn da scola ein ina grupp da project ed igl entir team da scola s'occupai intensivamein cullas valurs da nosa scola», scriva il meinascola Silvio Dietrich egl invit per la fiasta ch'ei dedicata a quei maletg empalont. Vendergis, ils 30 da settember vegn il document, numnuu cuortamein «Nossa charta», inauguraus. Ella Charta ein ils cavazzins impurtonts «tenuta», «valurs» e «perspectivas» indicai en bustabs gross. Il document corriad spunda alla presentaziun grafica nerblaua dalla vischnaunca Ilanz/Glion, la versiun tedugesta ei secreta en ner, la romontscha en blau.

Decisivs ein denton buca las colurs e la formaziun grafica, mochein il cunteng dalla Charta. Sco il meinascola puntue-

scha en siu invit ein ils meinis da scolaras e scolaras, geniturs ed autras gruppas d'interess vegni riguardai el svilup dil maletg empalont. Il resultat ei «Nossa charta» e tala ei publicada silla pagina d'internet www.scola-glion.ch sur la rubrica organizaziun. Tier las valurs s'audan nov puncts cun tesas scaffidas per ch'ellas vegnien riguardadas e suandadas. Las valurs ein enramadas da duas tematicas, numnadamein tenuta e perspectives. In exempel tier la tenuta: «Nus creein in ambient, el qual tuts san sesviluppar, riguardond ils basegns dil cumpigliai». Tier la Charta va ei denter auter per la convivenza, stema e respect, responsabladad e persistenza.

La fiasta d'inauguraziun per la Charta dalla scola Ilanz/Glion ha liug en ina rama speciala. Tuttas scolaras e tuts scolaras inaugureschan «Nossa charta» cun in viadi naven da lur fracziun tochen a Glion, e quei cun in marsch da steila naven dils loghens d'instrucziun. Tut ils affons, persunas d'instrucziun e geniturs interessai s'entapan pigl act final-inizial vendergis suentermiegi, ils 30 da settember allas 14.30 sil plaz tgietschen sper las hallas da gimnastica a Glion. Leu suonda il beivnegni cun plaid ed activitads communablas. «Nossa charta» seigi in muossavia per tut ils participants dalla scola Ilanz/Glion, puntuescha il meinascola Silvio Dietrich. Cun quei mied da cumpurtament e da menar resta il motto d'entochen ussa «ensem sin viadi» en vigr.


Tge vegn pajà cun ils 25 milliuns francs da la candidatura olimpica?

■ (rttr) Per insumma pudair far ina candidatura per ils gieus olimpics dovan il iniziants 25 milliuns francs. Quests daners vegnan duvrads per pudair cuninuar cun il project ha ditg Andreas Wieland, il manader da la grupp da lavur. Fin uss han ins elavurà in project per preschentar a Swiss Olympic. L'ultima giada, cura ch'il Grischun ha vuli candidar per ils gieus

olimpics 2022 era quai 60 milliuns francs. Ils custs ha Andreas Wieland elavurà ensemen cun sia fatschenta (Hamilton) che ha blera experienscha internaziunala. Tenor lur calculaziuns sajan d'ina vart las medias d'infurmaziun sa midadadas. Ins na squeetschia betg pli prospects e na fetschia betg pli grondas campagnas da reclama. Oz giabler sur las medias socialas.

La punt veglia sur il Rain anteriur Danis-Tavanasa resta

■ (cc) La regenza ha concludi che la punt veglia sur il Rain anteriur (punt da Versell) tranter Danis e Tavanasa vegn escludida per ils 30 da settember 2016 da la rait da vias chantunalas e cecida a la fundaziun Nossa Punt sco proprietad e per il mantegniment. Ultra da quai vegn il trajet da la via da Breil tranter la punt nova sur il Rain anteriur a Danis e la punt da Versell escludi per il 1. da fanadur 2017 da la rait da vias chantunalas e cecida a la vischnanca da Breil sco proprietad e per il mantegniment. Als custs per sanar la punt da Versell vegn pajada ina contribuziun chantunala pauschala unica da



La regenza ha concludi che la punt veglia tranter Danis e Tavanasa vegn cecida a la fundaziun «Nossa Punt» sco proprietad e per il mantegniment.

UFFED DA CONSTRUZZIUN BASSA DAL GRISCHUN

300 000 francs. Quest import correspunda als custs che fissan resultads sche la punt fiss vegnida demolida. Pli-navant vegn garantì in import da 318 500 francs per mesiras da la tgrida da monuments.

Il project da construcziun per la punt nova sur il Rain anteriur prevesa da spazzar la punt veglia en cas ch'ins n'avess betg chattà ina nova proprietaria. Grazia a l'engaschament da l'uniun «Nossa Punt» ed a la constituziun d'ina fundaziun cun il medem num han ins ussa la garanzia per la sanaziun, per la gestiun e per il mantegniment sco er per la continuatad da la punt da Versell.

reclama

«RICHTIGES ZIEL, ABER EXTREME ZWANGSMASSNAHMEN SIND DER FALSCHER WEG!»



Duri Campelli
Nationalrat BDP
Chapella

NEIN 25. September
zur Initiative Grüne Wirtschaft
gruenewirtschaft.ch

Lucas Zukunft.



JA Grüne Wirtschaft

www.gruenewirtschaft.ch